

城池

元至正十七年達魯花赤熊按攤不花始築土城於潮陽

明洪武二十四年指揮楊聚奏建潮陽守禦千戶所就舊城修築後所改置海門

正統十年知縣劉源洪修城始甃以石時禦海寇陳萬甯之攻

天順六年知縣陳瑄自址至堞增石高二丈周九百七十四丈立門五上各有樓四年海寇魏崇輝起五年其黨許四十等復亂故有是舉

成化十二年知縣吳穀增修城樓立五門扁額東曰永安南曰承平西曰長樂北曰景定水門曰太平

宏治元年知縣王鑾重修城石及五樓更各門扁額東曰太和南曰南薰西曰淳化北曰阜成水門曰通衢

正德十一年知縣宋元翰始開小南門扁曰泰安

嘉靖十四年颶風城壞明年推官張默修

三十七年倭寇逼境知縣蔡明復增高四尺又析東南民居近馬路者以九尺為度

四十二年倭寇圍解知縣郭夢得增修又築銃臺一十三座

四十四年設望樓一十四座知縣陳王道建

隆慶三年知縣黃一龍重修六門城樓并各望樓又於北門外甕城起蓋樓屋四年颶風霖雨壞東南城牆暨馬路四十餘丈一龍再修完之是時海寇曾一本逼城陣一龍既擊走之思患預防較前益固

萬歷十一年大雨城壞知縣章邦翰詳支官帑修完二十五年四月大雨三日浸倒城堞濠岸各數十丈知縣吳

潮陽縣志

卷三 城池

萬全修

三十二年塌城一百二十餘丈知縣王訓修

四十一年霽雨城壞十一處知縣沈淙修四十二年復修

四十四年久雨兩月西北城傾四十餘丈知縣周之楨修

四十六年八月颶風異常壞敵臺城堞共二百三十丈知縣朱本吳修

天啓二年知縣朱本吳復修之

五年六月颶風城壞知縣陳國紀修七年因海寇屢警加修完固

崇禎五年夏大風雨城垣傾圮知縣楊灼修以上俱詳支官帑又偕紳士捐置西門甕城拓民地為之

十三年知縣李桐奉旨增高舊城三尺幫厚小馬路三尺俱以糧額攤派

國朝順治四年五月大雨連旬城倒二百三十二丈七月復大水城垣馬路敵臺及東門城樓俱傾故明知縣陳之昂

督修又以東門南門太平泰安舊無甕城乃於橋外各築牆樹柵以為重門資捍禦焉南門牆內係民間舖地太平泰安兩甕城今廢

十二年寇警知縣唐禎麟於城上築大礮臺五座

康熙六年六月颶風城圯知縣張宏美捐修計周圍一千二百六十二丈高二丈五尺根濶一丈四尺內馬路高一丈二尺闊七尺三年六月復於西北二門外析民居為腰城并置城西礮臺一座

二十四年六月奉旨著文武各員協捐修固城池知府林杭學捐銀二百五十兩知縣臧憲祖捐銀六百兩遊擊張起鳳守備戴勳曾士琦巡檢程光宗李炳共捐銀九十七兩於沿城內外逐一修固

雍正八年知縣閔黯捐修城垣窩舖時有總督郝玉麟之檄

十三年颶風六門樓圯署知縣吳廷翰修

乾隆二十年知縣劉為鴻修城垣一十五處明年五月大雨復修西樓暨城南馬路

二十四年北門樓塌知縣孫煒修

二十九年七月大雨四日壞西門外馬路知縣劉世宏修  
三十年大風雨兩次連壞西北城樓署知縣曾萼修  
三十二年七月颶風六門樓壞十月濠水暴漲決太平門外迤南馬路知縣楊任修  
三十八年六月連日大雨壞東西南北四樓知縣李文藻捐修四十年復修西南甕城暨東門泰安門馬路  
四十一年七月大雨知縣楊任捐修城垣馬路四處  
四十五年八月復修十處  
四十五年十月查明沿城未經修葺者共一十七處署知縣何鍾捐修  
四十七年颶風損壞城垣樓屋知縣毛圻捐修明年復修  
五十六年知縣伍禮彬修西南北三城樓屋  
嘉慶元年知縣陳九叙修城垣一十八處  
六年城牆馬路敵樓共壞二十四處知縣李樹萱修  
九年大雨二次連壞西北樓牆馬路署知縣楊桂蔭詳支庫銀一百三十七兩零六分三釐修葺移交接任官攤分正署照三年攤派  
十年八月大雨倒壞東南馬路三處知縣謝濤修  
十二年知縣唐文藻捐修北門樓及太平門馬路  
十三年城樓礮臺窩舖暨望海樓馬路壞知縣姜樹詳請官銀修葺明年復捐修  
十六年八月大風雨城南牆壞知縣金楷捐修  
十九年署知縣舒懋官捐修泰安門北窩舖暨北城樓屋太平門馬路  
道光二十七年知縣郭汝誠韓鳳翔諭紳民捐修沿城牆堞  
光緒九年二月西門牆圯知縣周恆重署遊擊方恭籌款修之又蓋建泰安門樓一座沿城塌壞者逐一修葺

濠

# 潮陽縣志

## 卷三 城池

一一

宏治五年知縣姜森濬濠

藝記文詳

案城西北為縣治來龍舊無濬惟城東一帶下有淺濬自東迤北折而南可通潮水天順間知縣陳瑄鑿之深一丈廣二丈歲久湮塞茲復濬於拓基築岸礮石深一丈廣五丈長千百丈有奇南北相通民賴舟楫之利

十七年知縣張廷槐再濬之

藝記文詳

嘉靖十年署知縣蔡明復析近濠民居之半重濬之

堪斷與家謂縣地龍脈在西北

四十二年分巡僉事張冤大鑿西畔城濠濠水盡赤

槐廣右人  
有惠政  
記詳  
藝文  
計長一千四百六十五丈照通邑錢糧科派

崇禎十三年知縣李桐濬深三尺

乾隆二十六年知府周碩勳知縣孫焯濬之明年署知縣宋鑿復加疏鑿時邑紳林復丹

五十七年知縣伍禮彬疏通濠塹深遂逾舊董事紳士肅重光鄭高華鄭廷洽鄭煥章鄭國瓊等與有力焉記詳藝文

道光五年知縣劉懷谷諭紳商捐濬之

同治七年知縣張璿再諭紳商籌款疏濬

案吾邑治河者屢矣然歲不十稔湮塞如故此何故蓋後溪界與山連自山形日潰一值大雨則下流壅積故治河必先治山若就二三要害處築障防之於河未必無利賴也

### 海門城

洪武二十七年始建海門城

案所城坐臨大洋舊為海口村是二十里為縣治保障百七十二丈周圍九

天順六年知縣陳瑄修百七十二丈門四

國朝

康熙二十四年奉旨捐修完固詳見邑城  
乾隆十五年城北傾知府周碩勳知縣劉為鴻修  
二十四年城北再傾知府周碩勳知縣孫煒重修  
三十五年颶風大雨連壞城垣馬路共六處知縣楊觀光捐修  
三十七年城西壕口壞知縣李文藻捐修四十年復修馬路  
四十五年大雨城壕馬路共壞七處知縣楊任捐修  
四十八年大風雨連月倒壞東南壕口及北門樓知縣毛圻捐修  
五十五年久雨西南壕口壞署知縣張映衡捐修  
五十六年知縣伍禮彬修城樓馬路  
嘉慶九年大雨城垣及西樓圯署知縣楊桂蔭詳支庫銀一百四十五兩四錢八分九釐修葺  
道光二十一年知縣吳均諭士民董修  
達濠城

國朝  
康熙五十六年奉旨建達濠城

案城在縣東三十里招收都周圍一百四十二丈高一丈五尺

潮陽縣署在北門內直街之東向南而治前有石坊曰遐天保障詳坊表坊內為照牆牆內有坊東曰求甯西曰觀成其大門顏曰潮陽縣上為眺樓北向題曰拱辰樓中有鐘鼓刻漏兩旁有榜廊林志云榜示不法者姓名於其上樓下左右各有密室又左為土地祠祠對面為縣獄其第二門為儀門門凡號房在其東刑杖房在其西中有甬道建木坊於其上外書公生三字內

### 潮陽縣志

#### 卷二 署解

三

書爾俸爾祿民膏民脂下民易虐上天難欺四語即戒石亭舊址兩旁有阜隸亭上為大堂堂東為庫房班館林志曰儀仗庫即此西為廂房承發房林志曰軍器庫即此兩廊有夾道東則吏戶禮三房西則兵刑工三房大堂後為二堂東有廚房林志曰耳房庫即此西有門房林志曰架閣庫即此西偏又有花廳林志曰衙扁曰四照堂知府林杭學舊贈曰玉照後改此堂前有方塘一所旁為廂房二堂後為三堂右有黃石齋祠祠後小房五間三堂後為四堂西有別室四堂後又有小房十五間規制視昔有加焉

案縣署始於晉故在臨崑唐元和十四年刺史韓公移建今所明洪武二年知縣姚復初鼎建正統八年知縣張惠重建大堂儀門十年知縣劉源洪重建譙樓後堂天順六年知縣陳瑄重建住廨成化十二年知縣吳穀重建兩廊六房十八年知縣張堅重建譙樓正德十二年知縣宋元翰重修後堂及庫獄儀門旌善申明二亭亭在大嘉靖十八年儀門圯知縣趙鼎胡景華相繼修之二十七年知縣蔡明復修庫房及作左右廂房隆慶四年知縣黃一龍始築寅賓館修後堂及譙樓尋廢萬歷中知縣王訓復修  
國朝順治九年知縣王覺民重建前後堂與譙樓康熙十年知縣張宏美修譙樓二十二年知縣臧憲祖增建官齋三十年又建大門眺樓川堂五十七年知縣王允洪修儀門咸豐四年知縣汪政修大堂光緒九年大堂倒塌則知縣周恆重捐貲修之

縣丞署附縣署東  
教諭署在崇聖祠西道光九年改建

訓導署在鄉賢祠右

典史署在縣丞署前康熙四十六年典史朱綸修衙齋有兩榕蔭知縣李文藻扁曰榕廬

塔子行臺在遊擊署西前後凡三進旁與署通中有蓮塘小橋為委員芟舍之所  
試舍在縣署西舊為西倉光緒二年署知縣葉大同籌款倡建有堂扁曰樹人後有正廳一廂房二東西各有別室為閱卷所由堂下為甬道旁列兩廡又西增一小廡計坐號一千三百有奇前闢大門門外凡外拓廣庭庭東西門各

一盡處為照牆惠潮嘉道張銑有記時邑紳王大勳黃庭經鄭蘭菜鄭安淮諸生鄭玉田蕭樹人等重其役  
際留倉內儲義捐諸穀詳倉儲在縣城內大鹽巷中後東西共三十九廩廳事廂房八間斗級房五間譙樓二間正座祀

先農神前為曬場外為大門四圍繚以牆垣兩旁有甬道光緒七年署知縣晏賜書增建時局紳王大勳黃庭經姚弼  
文翔鳳鄭蘭榮林芳陳紹梅蕭案明洪武九年知縣劉文仲始創於公館巷即今常平倉地也二十二年縣丞陳友常遷於此正統五年布政吳楊徽將以待發糶仁奉恩豐貯  
民坐米派四鄉各立預備倉一所總設大使一人往來料理之後因人民渙散種粟參差折缺遂裁四倉俱入際留林志云預備以待發糶仁奉恩豐貯

東倉在縣署東即實南館舊址北東西共二十廩今北五廩為倉房

庫在縣署大堂之右

招甯巡檢司署在縣東招收都濠城

門關巡檢司署在縣北直浦都關埠嘗移置後湖墟後仍建於此

吉安巡檢司署在黃隴都峽山埠明洪武二年知縣姚復初創建於泅水都南山下後移貴嶼國朝雍正十三年以貴嶼半隸甯甯始遷今地

招收場大使署在縣東招收都濠城內

隆井場大使署在縣南治平寺側乾隆十二年大使陸開江建凡六進其西有古木垂蔭盛夏無炎燭氣建官齋其後擊方塘中駕石虹幽雅之致最足引人勝云

河西柵委員署在縣東招收都馬濬鄉雍正十二年委員鮑忠教詳建

潮陽營遊擊署在縣城內塔館西前後六進順治十五年建

中軍守備署在縣城內常平倉北順治十五年建

左哨千總署在縣城西門內

右哨千總署在縣城東門內舊街

軍裝庫在守備署內順治十五年建

火藥局在西門城樓北畔地洞舊藏遊擊署後移於此

校場在太平門外中有演武廳左為馬道旗鼓亭在其旁右為將臺計地十六畝四分袤六十八弓廣五十八弓

海門營參將署在海門所城北門內康熙四十二年增建

軍裝庫在北門內乾隆四年建

### 潮陽縣志

#### 卷三 署廨

#### 四

火藥局在西門內乾隆十二年建

校場在東門外橫一百六十弓直一百七十四弓演武廳三進

達濠營守備署在達濠城內康熙二十年建

軍裝庫在達濠城內康熙二十八年建

火藥局全上

附

察院行臺在新街城隍巷口久廢即今常平倉

布政分司行臺在縣前求甯坊東久廢

按察分司行臺在布政分司之右久廢即今按察司巷

府館在新舊兩街之交久廢即今寶光寺

桑田巡檢司署在縣北竹山都桑田村順治十七年缺裁署廢

靈山驛丞署在北門外久廢又縣署東古澄清坊及南關內壇西俱屬建驛遺址

河泊所在縣西峽山都和平村久廢今肆地廢今肆

稅課局在塔下大街西久廢

海門倉在海門所內久廢舊設大使一人攢典一人收貯屯米厥後缺裁

僧會司在縣南治平寺西久廢

道會司在東山超真觀東久廢

常平倉在新街城隍巷口即察院行臺故東向疑亦前明所建計正西五廩南北共二十四廩一百七間

國朝康熙二十二年知縣臧憲祖嘗積貯於此詳倉今類垣僅存

社倉一在縣城一在直浦都甯浦埠一在貴山都赤寮鄉一在黃隴都峽山埠乾隆二十四年建詳倉今廢

坊巷

縣治之坊凡七城內北曰興讓南曰南桂東曰錦纏西曰歸厚城外自東南隅繞北而稍西曰平和迤西而南曰  
淳化正南曰南薰

案舊有十三坊城內曰興讓親睦南桂錦纏歸厚後省親睦一坊北入興讓南入錦纏城外曰太平興仁泰和上泰  
和下淳化上淳化下南薰上南薰下後合太平興仁及泰和上下曰平和合淳化上下曰淳化合南薰上下曰南薰

縣內之街一自治前直下至塔右曰新街一自治東節孝祠直下至塔左曰舊街各長一百丈濶一丈二尺俱由  
塔前抵南門是為大街長一百丈濶全上

縣內之巷凡十有四治之左為縣東巷長抵太平門右為縣西巷折而北長抵北門由治前街直下轉西為教授  
巷長抵城邊其下有鄉賢亭巷越十數步為察院巷即公館巷轉東為城隍巷長抵東門又由街西轉為前池巷再折  
為娘宮巷上達縣西巷下抵西門由塔前大街西轉為趙家巷下為大鹽巷即際留倉巷旁通小鹽巷東轉為泰安巷  
長抵泰安門又由街而東為仙市巷街盡處西轉為石獅巷俱長抵城邊

井泉

混混泉在大成殿之右舊有泉湧出地中清冽甘美四時不竭明永樂七年分巡僉事周伯通因知縣周宗賢之  
請置亭其上顏曰混混泉伯通自為記後亭圯知縣宋元翰乃鐫厥名於石至嘉靖二十四年通判周錫攝縣事  
檄主簿劉紹元滌去淤泥甃以甃石更名曰鍾靈泉

古井九口號九龍吐水上有六甃石一在鼓樓前東偏一在北門水巷路北一在教授巷口即桃花井一在雙鳳鳴陽坊  
下一在文光塔左一在舊街西一在東門內街南一在塔下大街東一在南門大街西  
龍井在城南三里許臨於練江去潮不百武厥水清冷春夏長流秋冬不涸舊有亭置其上即所謂龍津亭者是  
也

南薰井在南門市內市為海錯之場腥氣不可嚮

三聖泉在東山望仙橋下上有廟祀水仙泉從神座下涌出劈分三道淪

水簾泉在紫雲巖

潮陽縣志

卷三 坊巷 井泉 溝渠 五

應潮井在海潮巖

卓錫泉在白牛巖靈一山在

掛壁泉在石泉巖詳山川

禱雨井在翠峯巖相傳為九姨所關每歲早虔禱者或掬

蟹眼泉在麻田山水井中甘雨輒隨之人至比之龍潭云

寶祐井在峽山蹟古

滄洲井在滄洲四面皆潮惟此井獨

飲鳳泉在峽山淡土人以資灌溉

泉甘如醴中有金線小蝦數  
十里外往汲者必取以為識

溝渠

城中六渠一在縣前華亭橋下通北郭之水由城北右為複渠即靈濟南折而東過縣前又南折而東繞洋池逆  
轉而北東過複渠注於濠濠中潮長亦西入至於泮地一在教授巷口街上聚西偏溝渠之水東過四人橋由複  
渠注於濠一在城隍廟巷上通西郭之水由城西為複渠即七板橋東流過鄉賢亭巷在舊察院經雙忠城隍兩廟內逆  
轉而北合流四人橋東注於濠濠潮長亦西入至於橋下一在塔前西偏溝渠之水由娘宮巷繞前池流出新街  
經塔前東注於濠一在塔下古井上一在塔下舊稅課局下今為民居皆聚西偏之水各通複渠注於濠案唐二志未甚